

si non vorano non saranno astreti a far fati d'arme con francesi. *Item*, che francesi hanno nel suo campo da fanti 20 milia, e sono volonterosi di venir a la zornata. *Item*, manda letere aute di Mantoa, il sumario dirò di soto. *Item*, alcune letere intercepte per stratioti vegniva de Milan in campo, quale è stà prexe verso Verona. Scrive che il ducha di Geler havia dà rota a le zente di madama Margarita di Borgogna, ne le qual erano molti fanti inglesi.

Di Ruigo, di sier Valerio Marzelo podestà et capitano, di eri. Come il ponte di la Canda era compito. Et nota, le zente deputate erano partite di Vicenza per andar su el Polesene et li fanti. Manchava *solum* li fanti 1000, erano a Padoa, dove è sier Mathio Sanudo pagador e il colateral zeneral andati li per levarli; ma se li mandì danari de qui per diti fanti.

Gionse in questa terra el cavalier di la Volpe condutier nostro, fo preso a Brexa, stato prexon di francesi, et si à riscatato et vene in Colegio. Fo chazezato et commesso a li savii.

Da poi disnar, fo Consejo di X con la zonta, eredo in materia di danari. Bisogna dar ducati 5000 a' sguizari doman, et per proveder di danari per li ducati 20 milia si arà a dar a l'Imperador de primo, e poi li altri 20 milia.

Nota. Fu fato do di zonta dil Consejo di X, sier Anzolo Trivisan e sier Batista Morexini, insiti di consieri, in locho di do altri che manchavano, et erano intrati consieri di sora.

40* A dì 6, marti santo, da matina fo Gran Consejo *de more*, et prima fu posto, per li consieri, di far zentilhommo nostro el ducha Francesco Maria di Rovere di Urbin et domino Nicolao e Bortolo della Rovere parenti dil Papa, con tuti li fioli nati e nassituri di legittimo matrimonio, sicome in dita parte si contien; la copia di la qual sarà scripta qui avanti. Et fu posta la parte per sier Bortolo Minio, sier Marco da Molin, sier Christofal Moro, sier Lorenzo di Prioli e sier Alvise Dolfin consieri. Ave 5 non sinceri, 18 di no, 1105 di la parte, et fu presa.

Fo poi balotado molte gratie: la prima di Hiro-nimo Grasolari, qual à servito in l'asedio di Padoa, dimanda la prima capitaniaria over scrivania di le prexon di una di lè nostre terre da terra qual prima vacherà e li piacerà, et dita gratia fo presa per tutti i consegli e balotata in Gran Consejo *alias* et pende; hor balotata do volte, non fu presa.

Fu posto la gratia di Michiel Roy qu. Joachin, che voria la sua caxa in Santa Justina, che si brusò, alienarla a livello, *licet* sia conditionada et il livello

I Diarii di M. SANUTO. — Tom. XIV.

sia conditionato, et è presa per tuti i conségii, e balotata *alias* in Gran Consejo pende, et cussi ozi fo balotà do volte et non fu presa.

Fu posto la gratia di una Barbara fo consorte di Piero di Veniexia marangon, morto a la guerra di Ferrara, dimanda di gratia el pevere che si suol dar ai poveri homeni, et è presa per tutti i conséglii; et balotata, fu presa.

Fu posto la gratia di Manoli Vasichii, qual comemorò molti suoi meriti a Constantinopoli e aver miorato la Signoria zercha stratioti, et dimanda di gratia la cancelaria di Parenzo per tre rezimenti; et è presa per tutti i conséglii. Et balotata, ave 159 di no, e fu presa.

Fu posto la gratia di sier Anzolo Lolin qu. sier Alvise, debitor di le raxon nuove di zercha ducati 700, vol pagar di tanti pro de imprestidi e cavedali come è conseià per li consieri, et è presa per tutti i conséglii; qual è debitor per la messetaria. Et balotata do volte, non fu preso alcuna cossa.

Fu posto la gratia di uno Simon Pina, preso a Modon, ste' prexon in la torre di Mar Mazor con sier Marco Orio e compagni, dimanda la cancelaria di Torzello per 10 rezimenti, et è presa per tutti i conséglii. Et balotata do volte, non fu presa.

Fu posto la gratia di Lorenzo Barbafeffa, à una sansaria in Fontego et è vecchio, vol meter in suo locho uno fio di sua fia Baldissera Perduzi, e poi la sua morte resti, et è presa per tutti i conséglii. Ave 324 di no, 729 di si, e non fo presa.

Fu posto la gratia di Zuan Batista da Ponte no-daro a la canceleria, qual è stà fuora con diversi provedadori, vol la cancelaria dil Zante per 4 rezimenti, et è presa per tutti i conséglii. Et balotata do volte non fu presa, et pezorò, 305 di no, 680 di si.

Fu posto la gratia di Zuan Maragnin da la Mota, dimanda per 5 rezimenti la canceleria di la Mota atento li soi meriti in questa guerra presente, et è presa per tutti i conséglii, et non fo presa.

Fu posto la gratia di Jacomo di San Zani da Brexa, atento li soi meriti, la cavalaria di Montagnana per 5 rezimenti, et è presa per tutti i conségii; et balotata do volte, non fu presa.

Exemplum.

1512, die 6 aprilis in Majori Consilio.

Exigit summa devotio et observantia nostra erga Sanctissimum Dominum Nostrum, dominum Julium